

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelunge Lied

Leyser, Hermann

Leipzig, 1840

II. Aventure


[urn:nbn:de:bsz:31-162679](https://nbn-resolving.org/urn:nbn:de:bsz:31-162679)



Don Sirride wie der erzogen wart.

II. Auentiure.

Do whs in Niderlanden, einf edeln kuniges chint.
 des vater der hiez Sigemont, sin moter Sigelint,
 in einer richen burge, witen wol bechant,
 nidene bi dem Rine, diu was ze Santen genant.



Sifrit was geheizen. der snelle degen groot.
er versochte vil der riche. durch ellenthasten mvot.
durch fines libes sterche. svochter fremidiv lant.
hen was er sneller degene. sit ze Buregonden vant.

E' daz der degen chone. vol whse zeman.
do het er solhiv wnder. mit finer hant getan.
da von man immer mere. mac singen vnt sagen.
des wir indisen stunden. mozen vil von im gedagen.


Insinen besten ziten. bi sinen iungen tagen.
man mohte michel wnder. von Sifriden sagen.
was eren an im whse. vnt wie schone was sin lip.
des heten in zeminne. div vil wetlichen wip.

Man zoh in mit dem vlize. als im daz wol gezam.
von sin selbes tugenden. was zoh er an sich nam.
des wrden sit gezieret. fines vater lant.
daz man in zallen dingen. so rechte herlichen vant.

Vil selten ane hvote. man riten lie daz kint.
in hiez mit wäte zieren. sin moter Sngelint.
sin pflagen ovch die wifen. den ere was bekant.
des moht er wol gewinnen. beidiv lovt vnt lant.

Nu was er in der sterche. daz er wol waffen trooch.
swes er da zo bedorste. des lag an im genvoch.
do begvnder sinnen. werben schoniv wip.
die tvvoten wol mit eren. den sinen wetlichen lip.

Do hiez sin vater Sigemvnt. chunden sinen man.
er wolde hochgecite mit lieben fründen han.
div märe man do furte. in vremder kunige lant.
den gesten vnt den chunden. gap man roffe vnt ovch gewant.



Swa man vant deheinen. der ritter folde sin.
von art der sinen mage. die edeln kindelin.
die ladet man zu dem lande. durch die hochgecit.
mit samt dem iungen kunige. swert genamen si sit.

Von der hochgecite. man mohte wnder sagen.
Sigemont vnt Sigelint. die chunden wol beiagen.
mit gote michel ere. des teilte vil ir hant.
des sah man vil der fremden. zuin riten indaz lant.


Vier hundert swert degene. di solden tragen chleit.
mit dem iungen kunige. vil manie schoniv meit.
mit werche was vnmvzich. wande si in waren holt.
vil der edeln steine. di frowen leiten indaz golt.

Die si mit porten wolden. wrchen vf ir wat.
den stolzen swertdegenen. des enwas niht rat.
der wirt der hiez do sidelen. vil manigem chvnen man.
zeinen sonewenden. da er die hochgecite wolde han.

Do gie zeinem wunster. vil manie richer knecht.
vnt vil der edeln ritter. die wifen heten reht.
daz si den tumben dienten. als in was e' getan.
si heten kurzwile. vnt ouch vil maniger vrovden wan.

Got man zen eren. ein messe sanc.
do wart von den loten. vil michel der gedranch.
da si zeritter wrden. nach ritterlicher e'.
mit also grozzen eren. daz wellich immer me erge.

Si liefen da si funden. gesatelt manie march.
inhofe Sigemundes. der bohurt wart so starch.
daz man erdiezen horte. palas vnt sal.
die hochgemoten degene. heten vrolichen seal.



Von wifen vnt von tumben. man horte manigen stoz.
das der schefte chrechen. gein dem luste doz.
trunzne sach man vliegen. fur den palas dan.
da sahen chorzewile. beidiv wip vnt ovch die man.

Der chunich bat iz lasen. do zoch man dan div march.
man sach ovch da zebrochen. uil manige bukkel starch.
vil der edeln steine. geuellet vf das graf.
an lichten schildes spangen. von horten das geschehen was.


Do giengens wirtes geste. da man in sitzen riet.
vil der edeln spise. si von der mwode schiet.
vnt win der aller beste. den man mit vollen trooch.
den vrenden vnt den kunden. bot man eren da genvoch.

Solcher kurzewile. si pflagen al den tac.
vil der varnden diete. rowe sich bewac.
si dienten nach der gabe. die man da riche vant.
des wart mit lobe gezieret. alles Sigemundes lant.

Der herre hiez do lihen. sinen son den iungen man.
lant vnt purge. als er e het getan.
den sinen swert genozzen. gab do vil sine hant.
do liebt in do div reise. das si chomen indaz lant.

Div hochgecite do werte. vnz an den sibenden tac.
Sigelint div riche. nach alten siten pflac.
durch ir kindes liebe. geben rotes golt.
si kundez wol gedienen. das si ir sunne warn holt.

Lutzel deheinen varnden. armen man da vant.
rosse vnt kleider. das stvop in von der hant.
sam si zelebene heten. mer deheinen tac.
ich wene ie ingesinde. so grozzer milte gepflac.



Mit lobelichen eren. schiet sich die hochgecit.
von des landes herren. hort man wol sit.
das si den iungen wolden. zeime voete han.
des enwolde in do niht volgen. Sifrit der wetlich man.

Sit das noch beide lebten. Sigemunt vnt Sigelint.
niht wolde tragen krone. noch ir liebes kint.
doch wolder wesen herre. fur allen den gewalt.
des in den landen vorhte. der degen kon vnt balt.

In dorste niemen schelten. sit do er wafen genam.
ia gerowete vil selten. der reche lobesam.
sochte niwan striten. sin ellenthastig hant.
tet in zallen ziten. inwremeden richen wol bekant.

